

隆乾

黔西州志



隆乾

黔西州志

隆乾

黔

西

州

志

清·馮光宿 纂修

乾隆九年成書 八卷首一卷 未刊

一九六六年貴州省圖書館據南京大學  
圖書館藏鈔本複製油印本 附校勘記

乾隆《黔西州志》複製說明

《黔西州志》，八卷，首一卷，清乾隆九年知州馮光宿纂修，未刊，現據南京大學圖書館藏鈔本複製。

本書是封建地主官僚為歌頌其統治而修纂的，在對問題的提法和資料的收集範圍方面，都反映了纂修者的反動觀點和立場，只能作為反面資料使用。

複製這部書主要是供給領導幹部、科學工作者及貴州地方資料的研究者參攷，所以一切均按照

黔西州志

複製說明

原鈔本刻印，僅據有關志書校正了一些錯別字，列有「校勘記」於書末，供參攷。如有不妥之處，請批評指正。

承南京大學圖書館借給藏本，謹此致謝。

貴州省圖書館

一九六六年七月

黔西州志目錄附輿圖

卷之一

天文

星野

氣候

祥異

卷之二

地理

建置

疆域

黔西州志

卷首

形勝

山川

關梁

郵傳

風俗

苗蠻

古蹟

卷之三

營建

城池

公署	學校	義學	壇廟	寺觀	里場	卷之四	食貨	戶口	田賦	黔西州志	卷首	稅課	經費	蠲恤	積貯	物產	卷之五	秩官	官制	職官	名宦
											二										

土司	卷之六	武備	兵制	師旅考	卷之七	人物	選舉	考義	官蹟	黔西州志	卷首	隱逸	節婦	流寓	仙釋	卷之八	藝文	贊	序	引	碑記
											三										

凡例

一郡本無志有之自前牧何縉始然當置郡之初不

過撮其梗概厥後鮑牧有志素而無紀未付剞劂

茲斟酌損益志本 張大中丞遜志列天文地理

等八綱用統眾目以類相從庶有條不紊

一郡志有圖便觀覽也星野疆域城池衛署學宮寺

廟皆一郡大觀應繪冊首

一里場村寨詳載無遺塘汛遠近備書其地俾官斯

土者一目了然

一職官附載僚屬選舉並錄貢監非敢妄增以郡志

不待不詳也

一節婦已 題述者悉遵通志其亦經 題述為前

牧所旌獎者亦為載入非惟善善從長且使後人

觀型也

一獨孤陣亡弁兵備錄其姓氏者以役為

國身亡不欲其湮沒無傳故載之以誌不朽耳

一蒞茲郡者凡有彈於地方事無論鉅細悉為詳載

固欲不没人善亦以為法將來也

一志者一郡之史也考義官蹟隱逸流寓例得載入

以俟他年採入



國史且記前人之盛蹟為後人之法戒謂阿所好  
斷乎不敢至郡之所無姑闕以俟  
乾隆甲子孟春之吉黔西州知州馮光宿謹識


圖考志

自有書契即有圖史義畫為疇其來尚矣嗣是幽  
風王會之篇類皆有圖故古人讀書經世必左圖  
右史誠以有史無圖莫核也州北高南下東河西  
漢廣輪所居地勢各殊遠之疆域山川近之城郭  
學署微而星野躔次顯而衛道關梁贏縮少訛位  
置失當何足信今而傳後茲竊撮概覈微繪圖篇  
首一披覽而得真形百里巖疆卧治者可肘腋便  
也作圖考志

六

黔西州參井分野之圖

參二星十度五十分位次中以皆作藥上星皆明  
天二星下兵精  
星經曰七個參星下直樹二屏星  
四星下一矢井





井八星三十一度位次未行到河中天井正明天


星下太井一八星四井宿之位上府之候橫北天河三軍市西積

孤中一野難矢一人星子關丘各之二星四積一南河十關

星老人





州署




黔西州志

卷首

廳署





十一



學宮

黔西州志


卷首




關聖殿

黔西州志

卷首





十三



黔西州志

卷首


十四




黔西州志

卷首

十五






玉皇閣

黔西州志

卷首

十六



觀音寺

先農廟




三官殿

黔西州志

卷首

十七



先農廟

接官廳

牌坊

祖師殿




黔西州志

卷首

十六

接官廳







黔西州志

卷首

十九

祖師殿





按周禮保章氏以星土辨九州所封疆域皆有分  
 星驗氣候以觀祥異星野之說誠非虛謬然理甚  
 淵微而分度最難清著矧黔西蕞爾巖疆仰觀天  
 文似不足當象緯之分秒果孰從而定諸考為貢  
 地界梁州星分參井之餘漢改益州史記天官書  
 謂益為參分晉以祥柯入參五度其於次舍必有  
 當矣迺精氣潛通善言發而星迴婦冕白而雨降  
 豈古陽不足動乾象哉易曰天垂象見吉凶書曰

黔西州志 卷之一

欽若昊天僅管窺云爾乎作天文志

星野

謝東山志曰宣慰司今府貴州衛前衛今鎮龍里  
 新添今鎮平越清平興隆今黃威清今鎮平壩今  
 普定安莊今鎮安南普安畢節烏撒今威赤水  
 等十六衛俱參井都勻府程番府今定永寧鎮寧  
 安順普安四州俱參井之餘思州思南鎮遠石阡  
 銅仁黎平六府俱巽軫之餘  
 沈思充通志曰貴陽都勻石阡思南四府宣慰司  
 定番安順鎮寧永寧普安五州貴鎮威清平壩普

定安莊安南普安畢節烏撒赤水龍里新添平越  
 清平興隆都勻一十七衛普市黃平二所俱井鬼

分野鎮遠銅仁思州黎平四府俱柳星之餘

衛既齊志曰黔古無分野之說一統志以宣慰司

普安州為參井銅仁為星黎平為翼軫沈志則以

貴陽等處為井鬼而以銅鎮思黎平為柳分郭記

又以屬鬼近似今按漢武所設之益州乃越蕩犍

為祥柯三郡越蕩屬滇犍為屬蜀祥柯所轄二十

四邑貴陽以上皆其地也陳卓謂祥柯入參五度

而班固謂東井與鬼秦之分野西南祥柯越蕩二

黔西州志 卷之一

二

州皆宜屬焉則自平越以上皆為參井無疑矣獨

是思銅四郡為柳分似難為據按唐志云翼軫犍

尾自房陵白帝而東盡漢之南郡江夏東達廬江

南郡之濱彭蠡之西長沙武陵桂陽零陵又邇南

紀盡鬱林合浦之地自沅湘上流西達黔安之左

皆全楚之分黔安即今之思南則銅鎮四郡自應

與楚同占翼軫而不入柳分也或曰祥柯既屬益

州近梁州今舍觜鬼而從參井何也曰此非臆說

也祥柯占參而不占觜陳說已明至益州兼井而

不兼鬼則李淳風所云自畢十三度至井十五度



屬益州之言可驗也度之多者無如井少者無如  
甯是以井兼雍梁益三州亦猶斗牛兼吳越豫章  
也萬曆庚子狼星入於東井占者以為滅播之象  
既而果應此非占在參井之一證耶或曰翼軫隔  
柳星張三位踰此及彼何名分野曰亦非臆說也  
僧一行曰懸象在天其本在地星之與土以精氣  
相屬而不係於方隅袁坤儀有言躔次相配者少  
相反者多青正東元枵在北雍正西鶉首在南則  
四郡之餘踰柳星張而躔翼軫何以異此三人占  
則從二人之言寧從其眾者而已故輒以管見謂

黔西州志

卷之一

三

黔為參井翼軫分野貴陽安順都勻平越威寧參  
井之餘鎮遠石阡思南思州銅仁黎平翼軫之餘  
黔西介在安順威寧之中其為參井也更無疑

參井占驗

參宿十星一曰參伐一曰大辰一曰天市一曰鈇  
鉞主新刈又為天獄主殺伐又主權衡所以平理  
也又主邊城為九譯參白獸之體其中三星橫列  
三將軍也東北曰左肩主左將軍西北曰右肩主  
右將軍東南曰左足主後將軍西南曰右足主偏  
將軍故黃帝占星參應七將軍中央三小星曰伐

天之都尉也三胡鮮卑戎狄之國凡十度右足入  
畢十三度去極九十四度○觜觶三星為三軍之  
候行軍之藏府主葆旅收斂萬物明則軍儲盈○  
參旗九星在參西一曰天旗一曰天弓主司弓弩  
之張○玉井四星在參右足下主水漿以給廚○  
西南九星曰九旂天子之旗也○玉井東南四星  
曰軍井行軍井也軍井未達將不言渴名取此也  
○屏二星在玉井南為屏風天廚四星在屏東○  
也○天矢一星在廁南色黃則吉○軍市十三星  
在參東南天軍貿易之市使有無通也○障難一

黔西州志

卷之一

四

星主變怪在軍市中市西南二星曰文人○文人  
東二星曰子子東二星曰孫

東井八星天之南門黃道所經天之亭候主水衡

事法令所取平也王者用法平則井星明而端列

凡三十三度去極六十九度○鈇一星附井之前

月宿井有風雨○狼一星在東井東南狼為野將

主侵畧色有常不欲變動也○孤九星在狼東南

天弓也主備盜賊常向於狼○老人一星在孤南

一曰南極常以秋分之旦見於丙春分之夕沒於

丁見則化平主壽昌○南河北河各三星夾東井

一曰天高天之闕門主關梁○南河一曰南成一曰南宮一曰陽門一曰越門一曰權星主火○北河一曰北成一曰北宮一曰陰門一曰胡門一曰衡星主水兩河成間日月五星之常道也○南河南二星曰闕邱主宮門外象魏也○五諸侯五星在東井北主刺舉戒不虞又曰理陰陽察得失亦曰主帝心一曰帝師二曰帝友三曰三公四曰博士五曰太史此五者常為帝定疑議星明天潤澤則天下大治○五諸侯南三星曰天樽主盛饘粥以給酒食之正也○東一星曰積水主候水災○

黔西州志

卷之一

五

積新一星在積水東供給庖廚之正也○水位四星在東井東主水衡○東井西南四星曰水府主水之官也東井南垣之東四星曰四瀆江淮河濟之精也  
以上占驗出隋書天文志

氣候

夏無酷暑冬不嚴寒晴雨莫定涼熱靡常播種收成無殊他郡

祥異

唐宋元明未服

王化無考

國朝

康熙四年大有年

二十三年大有年

雍正元年大有年

七年籍田穀一莖二三穗民間黍稷穗長一尺三四寸不等每穗多至六七百粒

九年民間瓜果一蒂雙實

乾隆二年麥秀雙歧

六年大有年

六年大有年

黔西州志

卷之一

六

黔西州志卷之二

地理志序

建置

疆域

形勝

山川

關梁

黔西郡古三苗地也舊屬鬼方未入版圖自濟火

氏佐丞相亮有功始封羅甸國歷唐宋以迄元明

雖邦傳漸置而六廣迤西聲教猶未訖焉洪惟我

朝乘六首出統一寰區舉凡雕題鑿齒之鄉月出雷

無之國罔不梯山航海重譯來朝黔以水西片壤

亦獻地投誠因踞山而郡之後枕獅拳前襟龍水

左撫鴨池六廣右跨西溪落羊居金筑之上游誠

新疆之首郡也雖苗蠻雜處風俗不齊筆墨所至

黔西州志

卷之二

神會及之而披覽足當卧遊矣作地理志

建置

為貢梁州荒裔漢屬牂牁西南境蜀諸葛亮南征

變長濟濟火佐擒孟獲有功封羅甸國王唐元和

六年羅羅鬼主上表請盡歸牂牁故地開成元年

鬼主阿琛內附會昌中封其別帥為羅甸國王世

襲爵宋開寶中普貴納土本志一名字實考封襲

如故元至元十五年羅施鬼國主阿栻內附詔授

安撫使十七年復叛左丞李德輝諭降其酋長阿

察奏改鬼國為順元路以阿察為順元路宣撫司

後改為宣慰司明洪武四年孺翠歸附授貴州宣

慰使永寧宣撫司內附置永寧衛後孺翠死都指

揮馬暉將以兵盡驅諸羅為郡縣諸羅欲反孺翠

妻奢香見太祖願効力開西鄙世保境以是除暉

太祖許之賜姓安氏香歸乃率諸羅開赤水烏撒

道以通烏蒙且立龍場九驛自是子孫世襲宣慰

使十五年於烏撒軍民府地置烏撒衛又置烏蒙

衛十六年從烏蒙衛於畢節改置畢節衛二十二

年增置赤水衛又置普市摩泥阿落密白撒四守

禦所赫衛天啟二年安邦考叛崇禎元年討平之

黔西州志

卷之二

後頭目卧遠化沙等爭襲各獻地請設流因建大

方城置副將鎮守旋廢

國朝順治十五年大兵取滇宣慰使安坤為嚮導次

年仍授水西宣慰使司准世襲十八年裁摩泥白

撒阿落密三所康熙三年安坤與烏撒土知府安

重聖謀叛討平之以水西城為黔西府則富以著

雄所三則漢屬之則漢者羅鬼語猶華言唐之州

宋之軍也二十三年改為州

漢西南夷牂牁郡地

唐羅甸國

宋 羅施鬼國

元 順元宣慰使

明 洪武四年罷為宣撫使六年陞為宣慰使

國朝 康熙三年設黔西府二十三年改州屬大定

府二十六年改大定為州屬威寧府雍正八

年仍以大定為府屬大定府

疆域

黔西在府東南一百一十里

東至貴陽府修文縣界九十里

西至本府界四十里

黔西州志

卷之二

三

南至平遠州界九十里

北至遵義府界一百五十里

東南至安順府清鎮縣界五十里

西南至本府界四十里

東北至修文縣界一百二十里

西北至遵義府界一百二十里

乾隆元年撥四川敘永廳之岩上岩下地方歸州

管轄

東至天生橋仁懷縣界二百五十里

西至卧泥河敘永廳界二百五十里

南至沙溪河七十里

北至漁塘河敘永廳界二百四十里

形勝

河繞鴨池山盤鬼箐水西要害貴筑屏藩

山川

獅子山在州署後首東尾西山形像酷似遠百步

有山小而圓名繡毬山

牛飲山在城內上有石如牛相傳嘗夜飲於河

印山在城東半里山出平田中形如印

東山在城東一里每夕陽在山則金紫萬狀

黔西州志

卷之二

四

扣鐘山在城東三十里

金雞山在城東八十里山頂有石雞舊入夜嘗鳴

有營葬其下者忽見人馬馳驟逼之則墮因毀

其首遂不鳴其石猶存

白塔山在城西北百里岡麓皆土頂轟一石峯瑩

如白塔上有泉極清涼

轎子山在城西三十里石壁懸豎下有小溪石橋

與西溪相接

將軍岩在城西北百里巍峩獨峙相傳吼則兆兵  
革昇平寂然

箭筒壘在城南三十里下臨大河頂有泉冬夏不竭

十萬溪箬在城東懸岩絕壁無徑可行四面皆設壘若又東北有約裹箬路近遵義中有平川可容萬人入路極險其西有莫隴法地壘危峯突峙四面皆絕壁惟後有間道可登

比喇箬在城西北三十里崇岩茂林四面修阻中平廣可容數萬人

萬家洞在城南箭筒壘下洞口一石障若垂簾洞內石上人跡宛然深邃莫測土人傳有白衣者

黔西州志

卷之二

常牽犬出入疑為仙人所居云

羅團洞在城西三十里層岩峭壁險峻獨絕

白玉洞在城東十里一曰黃岩洞極險惡

鴨池河在城東南五十里即羅羊河之下流

羅羊河在城南發源於安順府屬三岔河至平遠為羅朵河至大定為六歸河至州境為羅羊河

西門河在城西上洪下洪二水合而成河其下流為沙壩河又流為路則河入渭河

西溪河在城西出岩洞小溪合流成河為大定界其下流入六歸河

六廣河在城東北九十里即鴨池之下流由此下為烏江

黃沙渡河在城東北百里即六歸河下流沙溪之水來會於此

雷澗溪在城西

沙溪河在城北百里入六廣河  
龍潭在城東北泉出山麓匯為潭潭內晦夕猶有月光

三漲水在城西永豐里有異人經之則一日三漲一碗水在城西北四十里道旁一石方二丈許中

黔西州志

卷之二

凹如碗有泉下溢不竭挹之甘冷異常

阿凹水在城西南四十里即大渡橋之下流

關梁

化梓關在城西六十里

石虎關在城南四十里化梓河坡頂有石如虎蹲踞路口故以關名

六廣渡在城東六十里通修文縣路把總防守

鴨池渡在城東南五十里通省城要路把總駐防

黃沙渡在城東北七十里通修文縣路把總防守

西溪渡在城西北五十里通大定府路千總駐防

先建石橋經水傾圮知州馮光宿捐修渡船往來賴之

沙溪渡在城北五十里乃通遵義入川要路把總駐防

東門橋在城東

高慶水橋在城東南 國朝康熙間原任樂昌令

任衛建未幾壞知州鮑尚忠復捐修之

南門橋在城南

桑泥橋在城東十五里通修文縣路

西門橋在城西

黔西州志

卷之二

七

沙壩河橋在城東十五里

下洪橋在城西十里

新場橋在城西北皮工袁成錄創建雨遭水圮袁

力竭任衛成之

渭河橋在城北四十里

大渡橋在城西南三十里

郵傳

順治十五年 賜安坤水西宣慰印置谷里水西

西溪等驛二十三年改州驛廢設舖十

在城舖二名

打鼓寨舖二舖名兵

控桐樹舖二舖名兵

四方井舖二舖名兵

濫泥溝舖二舖名兵

鴨池河舖上舖係兵二舖名以

那壩舖二舖名兵

新舖二舖名兵

松樹溝舖二舖名兵

西溪舖上舖係兵二舖名以

風俗

黔西州志

卷之二

八

舊屬夷地種類非一語言文字概不相通我

朝改土設流建立學校文教大興習俗丕變冠婚喪

祭漸循於禮

元旦設牲醴祀神祇祖先親識各相拜酬

立春日飲春酒

元宵作塔架放烟火通晝夜謂之上元佳節十六

日相率出遊謂之走百病

二月二日取窰灰圍屋如龍蛇狀以招祥福

三月清明祭掃墳墓

四月夏至日祭鼻祖

五月五日餽角黍門懸艾虎以五絲絲繫於兒臂  
飲雄黃菖蒲酒

六月六日晒書曝衣

七月七日乞巧十三日祀先祖

八月中秋備月餅西瓜祭月謂之說月

九月九日登高飲菊花酒佩茱萸

十月朔日祭掃壙墓農家皆設酒餽食傭人謂之

辭場

十一月冬至謂之長至卑幼尊長皆賀

十二月俗名臘月八日食臘粥作臘酒二十三日

黔西州志

卷之二

九

祀竈神二十四日掃舍宇除夕易門神圍爐守

歲五更燃燭迎神

苗蠻

种家五代時楚王馬殷自邕管遷來其種有三一

曰補籠一曰卡尤一曰青种有黃羅班莫柳文龍

等姓好樓居衣尚青以帕束首婦人多織好以青

布蒙髻長裙細褶多至二十餘幅拖腰以絲布一

幅若綬仍以青布繫之性勤於織以十二月為歲

首斂牛馬雞犬骨以米糝和之作醋至酸臭為佳

稱富積者則曰財醋柄幾世矣婚姻皆以苟合始

每歲孟春跳月用絲布編為小毬謂之花毬視所

歡者擲之奔而不禁聘用牛隻以姿色定聘資多

至牛三五十頭喪則屠牛召戚友以大甕貯酒執

牛角灌飲醉或至於相殺主人不食肉止啖魚蝦

并用棺以傘蓋墓上期年而火之祭用枯魚歲時

擊銅鼓為歡土人或掘地得鼓即以為諸葛所遺

富者不吝值爭購每畜蠶毒夜飛而飲於河有金

光一道謂之金蠶蠶每以殺人否則反噬其主故

雖至戚亦必毒之以液蠶怒又斂毒藥以染箭鏃

中人血濡鏃立死出入必負強弩帶利刃睚眦之

黔西州志

卷之二

十

仇必報以椎埋伐冢綁掠無辜人口謂之捉白放

黑以為嫁禍之媒或聚眾劫掠或禦人於途明時

累費征剿兵至則散兵去復聚今皆馴良寧戢悍

俗還淳多有讀書識字問入膠庠者

宋家在貴陽本中國之裔春秋時宋為楚子所發

食俘其民而放之南徼遂流為夷即宋宣慰之祖

也頗通漢語文字男子帽而長衫婦人笄而短襟

將嫁男家遣人往迎女家則率親戚華楚之謂之

奪親旦則進盥於姑男女則燂湯以沐三日而罷

喪葬飯蔬飲水二十一日封而識之若馬鬣男女

勤耕織知禮畏法近多讀書入泮者

蔡家即蔡人亦為楚子所俘男子製禮為衣婦人

以禮為髻飾以青布若牛角狀高尺許用長簪

之短衣長裙翁媳不通言居喪三月不食米肉惟

飲稗粥猶存古禮殺牛宰牲聚親屬吹笙跳舞名

曰做夏夫死將婦殉葬婦家捨去乃免近今沐浴

王化咸知禮義多有讀書入泮者而殉葬之風無矣

穠家厥性頗淳衣尚白色男髻向前青帶勒額女

髻青帶結髮盤其首衣短裙長多趙謝二姓婚姻

死葬與蔡家同婚則用媒灼聘以牛酒財禮死則

黔西州志

卷之二

十一

用棺石墓近今沐浴

王化咸知禮義多有讀書入泮者

花苗皆無姓氏衣用敗布績條以織衣無衿竅而

納諸首男以青布裹頭而婦人斂馬駿尾各雜髮

為髮大如斗籠以木梳裳服先用蠟繪花於布而

後染之既染去蠟則花見飾袖以錦故曰花苗每

歲孟春合男女於野謂之跳月擇平壤地為月場

鮮衣豔粧男吹蘆笙女振響鈴旋躍歌舞詭浪終

日暮挈所私而歸比曉乃散聘資視女之妍媸為

盈縮遇喪則屠牛召戚遠近各攜酒肉以賻環哭

盡哀葬不用棺殮手足而瘞之卜地以雞子擲之

不破者為吉病不服藥惟禱於鬼宰牲磔雞往往

破家終不悔悟以六月為歲首其性慧而畏法其

俗陋而力勤今皆向化知學問有入泮者

白苗衣尚白短僅及膝男子科頭赤足婦人盤髻

長簪跳月之習與花苗同祀祖擇大牯牛頭角端

正者飼及茁壯即與各寨有牛者合鬪於野勝則

為吉鬪後卜日砍牛以祀主祭者服白衣青套袖

褶寬腰裙祭後合親族高歌暢飲其性慧而屬轉

徙不恒亦皆向化知學問有入泮者

黔西州志

卷之二

十二

青苗衣尚青婦人以青布一幅著之首男子頂竹

笠躡草履出入必佩刀性強悍好鬪頗同於獠獠

然猶知畏法不敢為盜又名著苗居依山箐遠徙

無常不善治田惟種菽麥稗糧衣麻衣皆其自織

男子未婚者剪腦後髮娶乃留之

花佬其種不一所在多有男女以幅布圍腰旁無

鑿積謂之桶裙花布曰花佬紅布曰紅佬花各

有族類不通婚姻殮以棺而不葬置岩穴間或臨

大河不施葭蓋樹木主於側曰家親殿屋宇去地

數尺架以巨木上覆杉葉如羊棚謂之羊樓其人



皆悍而善奔，輒命死，索得片肉，危酒即捐，軀與之打牙，抗狹女人以青羊毛織為長桶裙，將嫁必先折其二齒，恐妨害夫家，即所謂鑿齒之民也。又剪前髮而被後髮，取齊眉之意，其性情皆慷慨好鬪。鍋圖抗狹男子多以葛織斜文為衣，女人以青布束亂髮，如鍋圖狀，短衣長裙，無摺病，則延鬼師以虎頭一具，用五色絨裝飾，置籬箕內，禱之，葬則側置其屍，謂使其不知回歸云。其俗多嗜酒，墻農業六類子有黑白二種，男子結髮，髻婦人長衣不著裙，人死葬亦用棺，至年餘即延親族至墓前以牲

黔西州志

卷之二

十三

酒致祭，發冢開棺，取枯骨刷洗至白為度，以布裹骨復埋，一二年餘仍取洗刷，至七次乃止。凡家人有病，則謂祖先骨不潔云，近經嚴禁，惡習漸息，亦有讀書入泮者。

猓獮本鹿盧而訛為今稱，有黑白二種，黑者為大姓，其人皆深目長身，黑面白齒，鈎鼻，雞髻而留髻，又名烏蠻，其俗尚鬼，故又名羅鬼。蜀漢時有濟火者，從武侯破孟獲有功，封羅甸國王，即安氏遠祖。自羅甸東西，若自杞夜郎，皆柯則以圖名，若特磨白衣九道，則以道名，皆羅羅之種也。自濟火以來

千有餘年，世長其土，勒四十八部，部之長曰頭目，其等有九，曰九扯，最貴者曰更道，不名不拜，賜鏤銀鳩杖，凡有大事，取決焉。次則慕魁，勺魁，以至黑乍，皆有職守，亦有文字，類蒙古書。男子以青布纏頭，龍髮其中，而束於額，若角狀，短衣大袖，繫藍裙，女人辮髮，亦用青布纏首，多帶銀梅花貼額耳戴大環，垂至項，拖長裙三十餘幅，悉報旁通，醜不惡也。惟不與下姓結婚，正妻曰耐德，非耐德所生不得繼立嗣，子幼不能主事，耐德即為女官，其長死則集千人，被甲冑，馳馬若戰，以錦緞毡衣被屍，焚

黔西州志

卷之二

志

於野招魂而葬，其性愚而德主，即虐之至死不敢。載世奉其子，姓自改土歸流，猶奉之如故，重約信尚盟誓，凡有反側，剝牛以諭，領片肉即不敢背。善造堅甲，利刃，標鎗，勁弩，並毒矢，末露血即死，平居畜善馬，好馳騁，以射獵習擊刺，故其兵常為諸蠻冠。諺云：水西羅鬼，斷頭掉尾，言相應若率然也。白猓獮又名白蠻，與黑猓獮同，而為下姓，風俗亦略相似，飲食無盤盃，以三足釜灼毛，醋血無論鼠雀，蜚蠊蠕動之物，攫而燻之，攢食若彘，人死以牛馬皮革裹而焚之。

方蹟

古勝城

距州東南六十里近六廣河明末總兵王國正築  
入夜輒聞金戈鐵馬聲及安氏滅遂寂然

龍臂坡

距州南二十里相傳明初馬暉於坡麓建城基址  
初立忽坡上連發三矢迹之莫知所自遂捨之改  
築今地

仙人捆馬石

在州西二十里楊家海路傍大石與道平等上有

黔西州志

卷之二

十五

馬滾形跡及掙起蹄痕

擡石壩

在州北六十里有方石層澗各尺許長倍之上勒  
天合二字世傳馬暉所遺默擡即起語則多人莫  
能動擡向上行則上四里豐擡向下行則下四里  
熟

羊王壩

在州北百里山有石羊迴轉不定尾向則吉且豐  
首向反是其年若鳴則有兵亂鄉人碎其吻而不  
轉不鳴同頑石矣

繡毳山

在城內半山有洞小而深傳有神物居之能以財  
物假人還期必信有以紙鏤償者而求無應矣

黔西州志

卷之二

十六

黔西州志卷之三

營建志序 城池 公署 學校 義學 壇廟

先王設險守國重門禦暴為斯民久安長治計必有深溝高壘用奠金湯焉吳起云在德不在險豈果謂險可去哉正以德為守險之道耳按黔郡為水西內地自有明洪武初奢香氏開九驛始取其地而城之迨

國朝定鼎遐邇一體固已懷德為城被澤為池無俟設險而自固乃猶念切奠安置公署以鎮撫大化期洽眾志成城矣易曰君子以教思無窮又曰先

黔西州志

卷之三

王以神道設教則學校義學之興壇廟寺觀之設所並重也作營建志

城池

原為水西城明洪武間都督馬晔築週圍九里三分高一丈八尺東西南北各一門後毀 康熙五十年知府王命來總兵李如碧重修 二十五年知州何縉副將謝英復修 雍正四年知州陳惠榮重修東西城門建石額二東曰旭升西曰寶成

八年知州鮑尚忠築城四圍土垣今圯 乾隆七年知州馮光宿修西門城樓額曰黔陽鎖鑰又曰

水西保障

公署

州署 在城中街初為府署 康熙五年知府王命來創建端木象震增修 二十三年改州知州何縉黃秉中穆成周俱有修建 雍正四年知州陳惠榮增修 九年知州鮑尚忠捐修譙樓 乾隆八年知州馮光宿重修

吏目署 在城南隅 康熙二十八年吏目錢霸建後燬 雍正三年吏目徐璜重修 乾隆四年吏目梁際世增修

黔西州志

卷之三

學正署 在學宮右

訓導署 在義學後 雍正九年知州鮑尚忠捐建

副將署 在城西街舊為總兵署 康熙二十三年改鎮為協遂為副將署

都司署 在城西街

守備署 在城西北

學校

州學 在東門內

國朝康熙三年設黔西府知府王命來建學東門外後燬知府端木象震更建今地 二十三年改府為

州因為州學知州何縉增建 二十四年頌  
御書萬世師表匾額懸大成殿 三十八年知州佟山  
年重修

大成殿七楹

東西兩廡十楹

戟門五楹

啟聖祠三楹

明倫堂三楹 四十一年知州穆成周增修櫺星門

泮池禮門義路

先師孔子五代

黔西州志

卷之三

三

木金父公為肇聖王

祈父公為裕聖王

防叔公為詒聖王

伯夏公為昌聖王

叔梁公為啟聖王 改啟聖祠為崇聖祠 雍正四年

知州陳惠榮增修砌四圍堵垣植桂樹二株於殿

前五年頌

御書生民未有匾額 七年知州鮑尚忠修鄉賢名宮

祠改泮池於櫺星門重植柏十餘株 乾隆三年

頌

御書與天地參匾額 八年知州馮光宿植桂二株  
義學 在文廟外左

學田四分

一分在城西二里打魚寨成熟田三十一畝租穀

三十石除納糧九石三斗餘穀課士用

一分在城南四里許化龍寨成熟田二十一畝租

穀十七石義館師收用

一分在治中去城三十里成熟田三十畝租穀三

十石

一分在東門外成熟田四畝四分租穀六石二斗

黔西州志

卷之三

四

義館中用 乾隆二年署知州蘇松捐置

一文廟前右地基二間招人住坐洒掃學宮

一文廟前吊鋪八間歲收租銀四兩為修補學宮

之費

壇廟

社稷壇 在南門外木主二 一州社之神 一州

稷之神

風雲雷雨山川壇 在北門外木主三 一風雲雷

雨居中 一本州境內山川居左 一本州城隍

居右

先農壇 在東門外 雍正四年奉

旨建 置籍田四畝九分在廟前

文廟 在州城東

崇聖祠 在文廟後

名宦祠 在戟門外左

鄉賢祠 在戟門外右

忠孝祠 在文廟內

節孝祠 在文廟外左

城隍廟 在城東門隅 雍正十年知州鮑尚忠增

修

黔西州志

卷之三

五

關帝廟 在城中 國朝康熙三十九年知州穆成

周協鎮王鳳創建 雍正八年知州鮑尚忠增修

乾隆七年知州馮光宿重修增建左右廂房戲樓

火神廟 在城內西街

寺觀

文昌閣 在東門城樓上 康熙四十四年知州穆

成周建置田六畝祀香火 乾隆七年知州馮光

宿重修

奎星閣 在文廟後山祀魁神呂祖像 雍正十二

年知州鮑尚忠建 乾隆七年知州馮光宿重新

萬壽宮 在州署東 江西客

壽佛寺 在城南街 湖廣客

開元寺 在東門外東山 國朝康熙五年知府生

命來總兵李如碧創建

大雄殿 在東門外

玉皇閣 在東門外

觀文塔 在東門外小山上州之文筆峯也 雍正

四年知州陳惠榮捐建 八年知州鮑尚忠增修

文風丕振二公之力居多焉

迴龍寺 在西門外

黔西州志

卷之三

六

真武觀 在南門外

三官殿 在西門外

永豐寺

觀音閣 俱在谷里

川壁寺

大佛寺 俱在永豐里

黑神廟 在西溪

南明寺 在蛇場

三教寺 在沙溪

天靈寺

沙土寺 俱在新化里

海會寺 在鴨池山頂僧人於此施茶行者賴焉

梓潼閣 在內莊

黃公祠 在學宮外祀前知州諱秉中字惟一遼東

人因其勤惠廉明閣郡立祠以誌不忘其子廷桂

置田給守祠者

普濟堂 在東門外 乾隆二年署知州蘇松捐買

南門外成熟田三畝給州之鰥寡孤獨

里場

九里

黔西州志

卷之三

七

曰黔興

曰安德

曰崇善

曰西城 以上為上四里

曰新化

曰新民

曰永豐

曰敦義 以上為下四里

曰平定 乾隆元年撥四川敘永廳之岩上岩下

地方歸州管轄

場二十二

狗場 在州西三十五里

蛇場 在州南二十里

谷里場 在州東二十里

濫泥溝場 在州東四十里

桑桑壩場 在州東五十里

火石壩場 在州東四十里

牛場坡場 在州東三十里

三重堰場 在州東七十里

中果河場 去城九十里

黔西州志

卷之三

八

祥木場 去城一百里

新場 去城一百四十里

遇母洞場 去州一百三十里

凹脚場 去州一百三十里

安底場 去州一百五十里

長壩場 去州一百七十里

沙土場 去州一百九十里

老木孔場 去州二百里

園村場 去州二百二十里

苦茶園場 去州一百九十里

清水塘場 去州二百七十里

石羊關場 去城二百一十里

鑄鐘場 去州二百五十里

村寨

州東之寨 龍堂 阿能以駕排沙

阿二 上馬駕納乍拱治中

樹空 羅家莊 五里壩 牛場 谷里

青桐鋪 百花菁

東南之寨 蔡家 蟠龍 打鼓 平寨

江龍 鬼菁 濕泥溝 以那溝

黔西州志

卷之三

九

州南之寨 白蠟 鐮口 那夏 扯泥

測你 化怯 偏坡 孫家壩 蛇場

猴場

州西之寨 阿唐 洪水 以那壩 下以那

西北之寨 獾家 普安 內莊 宋家

沈家 大札底 大架 魯木 松林

陳家 大苗 新羅壩 平壩 蔡石壩

永興場 長溝 冷水溝 烏龍溝 魯補底

州北之寨 花棚 九寨 大寨 車家

羅漢 紅頭 中莊 李子壩 羊王壩

官田壩 泥壩 沙溪 核桃園 苦茶園

簡村

東北之寨 八寨 畢節 高粱 七山

水潭 底寨 阿乾 羅家 雞保

岩脚 上莊 下莊 阿利莊 平水壩

大羅壩 羞稿壩 大羊壩 袁屯 楊屯

鄧村 官村上 官岩 底奄 底

黃土坡 白沙 化騰 以者 以朵

探播怯 永則 倪波 托者 阿卜者

阿烏迷 杓脚七 者勤 察捍喇

黔西州志

卷之三

十

黔西州志卷之四

食貨志序

積貯

物賦

稅課

雜稅

蠲恤

周禮司徒歲終上民數天子拜而受之明制歲却

祀以戶籍陳壇下薦諸天凡以重民數也黔西自

漢唐以來越在荒服民皆卉衣草食洞處山樓丁

戶之少寥若晨星被為貢地界梁州厥土青黎田

惟上下厥賦下中三錯加以菁密罔崇鮮原隰平

行之地賦稅所出其於經費何裨焉我

國家休養生息薄賦輕徭蠲恤積貯之方罔不備至

故黔西以巖疆下里而烟聯萬井戶積千箱曩時

黔西州志

卷之四

一

所稱刀耕火耨之鄉今皆人浮八口大有頻膏盈

寧富庶並埒中州矣詩云民之質矣日用飲食物

產所急需也附以志之亦瘠土好義之意也夫作

食貨志

戶口

原額戶口三千八百六十七戶新增戶口三百二

十三戶

原額人丁無

康熙三十一年至三十五年新編徵差人丁三百

一十三丁有徵丁差銀六十二兩六錢又

康熙三十五年至五十年增徵差人丁三十四丁

康熙五十年編審實額徵差人丁三百四十七丁

實額徵丁差銀六十九兩四錢

雍正十年收四川敘永廳岩上岩下田地二百七

十八頃九十一畝七分二毫三絲九忽隸州隨

糧起差

實額徵丁條糧銀二百九十六兩二錢六分六

釐三毫四絲二忽二微四塵五纖 以上共額

徵銀三百六十五兩六錢六分六釐三毫四絲

二忽二微四塵五纖

黔西州志

卷之四

二

一存留春鞭祭祀銀一十四兩

一存留本州春夏二季俸工銀一百三十六兩

一存支支目春夏二季俸工銀二十七兩七錢六

分

一存支儒學春夏二季俸工銀七十兩六錢六分

六釐

一存支康生膳銀一十五兩

共開除銀二百六十三兩四錢二分六釐餘剩

銀一百零二兩二錢四分三毫五絲一忽五塵

五纖七渺照例起解司庫又



康熙五十五年至雍正九年編審新增

盛世滋生人丁二百三十八丁永不加賦

田賦

原額田三萬畝荒蕪田九千四百三十九畝六分

九釐六毫八絲

實在成熟田二萬五百六十畝三分三毫二絲每

畝徵米三斗共有徵米六千一百六十八石九

升九勺六抄又

康熙四十年起至雍正六年止新墾田四千九百

七十一畝一分二釐六毫八絲每畝減則起料

黔西州志

卷之四

三

米一斗五升共有徵米七百四十五石六十六

升九合二抄

原額地五千畝荒蕪地二千二畝八釐一毫五絲

實在成熟地二千九百九十七畝九分一釐八毫

五絲每畝徵苾糧八升折米四升共有徵苾折

米一百一十九石九斗一升六合七勺四抄又

康熙五十六年起至雍正九年之新墾地六百一

十九畝八分每畝徵苾糧八升折米四升共有

徵苾折米二十四石七斗九升二合

以上田地實共額徵米七千五十八石四斗六

升八合七勺二抄

原額過閭加徵閭銀一十二兩八錢四分一釐四

毫九絲六忽七微四塵八纖無閭之年例不徵

解

稅課

年額鹽稅銀二百八十八兩五錢八分二釐過閭

加徵銀二十四兩四分八釐五毫

年額雜稅銀九十七兩六錢八分五釐三毫過閭

加徵銀七兩八錢一分八毫三絲

年額稅羨銀二千三百三十兩

黔西州志

卷之四

四

年額牙帖銀四兩

經費

知州

俸銀八十兩

養廉銀六百兩

門子一名

皂隸六名

民壯十五名

轎傘扇夫七名

禁卒二名

斗級一名  
鋪兵二十名

吏目

俸銀三十一兩五錢二分

養廉銀六十兩

門子一名

皂隸二名

馬夫一名每名歲該工食銀六兩

學正

俸銀四十兩

黔西州志

卷之四

五

齊夫一名工食銀十二兩

膳夫一名工食銀六兩六錢六分六釐

門子一名工食銀六兩

喂馬銀六兩

訓導俸工同前

副將一員

俸薪及經費銀三百七十七兩四錢五分七釐

九毫九絲六忽坐馬十二匹每匹乾銀十二兩

六錢歲共銀五百二十八兩六錢五分七釐九

毫九絲六忽

都司僉書一員

俸薪及經費銀一百四十一兩三錢九分三釐

九毫九絲六忽坐馬四匹每匹乾銀十二兩六

錢歲共銀一百九十一兩七錢九分三釐九毫

九絲六忽

守備一員

俸薪及經費銀九十兩七錢五釐九毫九絲六

忽坐馬四匹每匹乾銀十二兩六錢歲共銀一

百四十一兩一錢五釐九毫九絲六忽

千總四員

黔西州志

卷之四

六

每員俸薪銀四十八兩坐馬二匹每匹乾銀十

二兩六錢歲該銀七十三兩二錢共銀二百八

十二兩八錢

把總八員

每員俸薪銀三十六兩坐馬二匹每匹乾銀十

二兩六錢歲該銀六十一兩二錢共銀四百八

十九兩六錢

馬戰兵一百二十名每名餉銀二十四兩共銀二

千八百八十兩 兵操馬一百二十四匹每匹乾

銀十二兩六錢共銀一千五百一十二兩

步戰兵四百八十名每名餉銀十八兩共銀八千六百四十兩

守兵六百名每名餉銀十二兩共銀七千二百兩

總計俸薪經費兵馬餉乾歲共銀二萬一千八百七十五兩九錢五分七釐九毫八絲八忽

馬步戰守兵一千二百名每名米三石六斗歲共

米四千三百二十石遇閏按加小建裁扣

蠲恤

康熙二十一年四月奉

詔免本年秋冬及來年春夏應徵地丁正項錢糧

黔西州志

卷之四

七

二十五年免二十六年應徵地丁錢糧並本年末

免錢糧

三十二年九月奉

詔免次年應徵地丁銀米

四十二年三月十八日恭逢

萬壽

恩詔免雲南貴州四川廣西四省四十三年分應徵地

丁各項錢糧賜老人年七十以上者許一丁侍

養免其雜派差徭八十以上者給與絹一疋棉

一觔米一石肉十觔九十以上者倍之至百歲

者題明給與建坊銀兩

四十八年三月十一日欽奉

恩詔賜老人絹棉米肉悉如四十二年

恩詔之數

五十二年三月十八日恭逢

萬壽

恩詔賜老人絹棉米肉悉如四十八年

恩詔之數

六十一年十一月二十日欽奉

恩詔賜老人絹棉米肉悉如五十二年

黔西州志

卷之四

八

恩詔之數

雍正元年正月十二日奉

上諭老人九十以上者州縣不時存問其或孤寡及子

孫貧不能養贍者督撫以至州縣設法卹養或

奏聞動用錢糧務令得沾實惠

八月十三日欽奉

恩詔賜老婦年七十以上者給與布一疋米五斗八十

以上者給與絹一疋米一石九十以上者倍之

百歲者題明給與建坊銀兩

二年五月奉

上諭各省督撫轉飭有司勸募好善之人於通都大邑  
人烟稠集之處照京師例設立普濟堂育嬰堂  
養老存孤

七月十三日

賞黔西協生息銀一千一百一十三兩七錢二分零為

兵丁吉凶之需

七月二十五日奉

上諭將庚戌年額徵地丁銀悉行蠲免

雍正四年

賜出師長寨陣亡兵丁雷世忠楊重銀各一百兩

黔西州志

卷之四

九

雍正六年

賜出師雷波陣亡兵丁楊東山劉國正鍾凱

楊儀 李國賢 趙貴等恤銀各三十兩

雍正八年

賜出師烏蒙陣亡兵丁潘珩趙琮葉文發

司文衡 楊顯明 張烈 王有德 李

奇 何仲傑等恤銀各五十兩

雍正九年

賜出師稿坪陣亡兵丁張英陳登科恤銀各三十

兩

雍正十年

賜出師九股陣亡弁兵外委把總杜應龍馬兵曹文

亮 顏登科恤銀各七十兩 步兵涂金榜 尤士

張懷 高士爵 張登科 段加華

俊 顏維芳 郭奇 豐維緒 蔡旺

周德弘 任奎 楊明 廖自成 李

豪 楊仁 關啟雲 胡元 汪仁

何正 王洪道 趙成 潘之貴 陳恩

聖 李長安 李占春 鄧林 吳俊

劉玉 何啟貴 關春 李先奇 羅

黔西州志

卷之四

十

遠 李倫 周禮 王佳止 陶虎等

恤銀各五十兩

雍正十三年

賜出師苗疆陣亡弁兵把總史宗淵恤銀一百兩 功

加馬兵張考恤銀七十兩 步兵袁士俊

李秀 于翰 張錦 向子華 羅朝

富 蕭應芳 方志 張洪仁 周開泰

廖之義 劉俊 吳仁 徐九龍 梅天

池 羅文英 方正羅 曹文漢 王思湯

陳起龍 袁宗舜 張祥 夏全 李文

黔西州志

卷之四

十一

必徐旺 張啟貴 吳邦英 石懷玉

全正國 古必蕃 麻升 李鵬 劉懷

蒲張奇才 宋在常 張松 侯應貴

劉思德 陳有德 管朝相 梅玉 郭洪

澤楊林 張勝 張瓊 黃朝甫

余仁 張朝貴 韓汝義 胡奇 陳有

賢 郭子榮 吳龍 朱元魁 王登雲

宋國應 白碧 陳洪 麻倫 傅朝

國王 秀 王朝柱 李之美 李文

陳坤 曹緒 姜得祿 陳德 柳

英 趙林凡 鄧士元 桂華 李秀

趙起爵 楊緒 熊廷重 牟廷念 姜懷

仁 吳洪義 陳聖典 狄朝聖 冷郁

張宜 陳應柱 陸世凡 楊登舉 羅

堯 趙登相 張能 侯德應 傅文

何啟英 韓成富 趙瑛 謝林可 王思

賢 黃道先 李松 王緒 胡英

陳凱 歐湛 孫謨 李素生等恤銀

各五十兩

雍正十三年九月初三日欽奉

恩詔賜老人絹棉米肉悉如雍正元年  
恩詔之數

積貯

實貯積貯穀七千八百九十四石

重農穀二百一十石

欽奉穀四百五十四石六斗

物產

穀類

稻 梁 菽 麥 黍 稷

美 稗 苽 苳 苳 蘇麻

黔西州志

卷之四

十二

蔬類

葱 韭 蒜 芥 茄 菘即白

莧 青菜 油菜 蔴苳 菜菔

芡菱 扁豆 四季豆 西瓜

王瓜 冬瓜 蔞瓜 絲瓜 瓠

葫蘆 薯 蕷菜 芥菜 芋

苦瓜 南瓜

果類

梅 李 桃 杏 核桃 櫻桃

葡萄 石榴 栗子 梨子 沙果

香橘 枇杷 白果

花類

芍藥 牡丹 迎春 紫微

海棠 蓮 葵花 桂花

臘梅 凌霄 薔薇 菊花

山丹 珍珠 木槿 玉簪

雞冠 月季 水仙 芙蓉

茶縻 杜鵑 玫瑰 鳳仙

蘭蕙 千日紅 百日紅 虞美人

醉楊妃 芭蕉 玉蘭

黔西州志

卷之四

十三

竹類

金竹 紫竹 苦竹 箭竹

刺竹 方竹

木類

梓 楸 杉 松 柏 楊

椿 桂 槐 桐 楓 樟

冬青 黃楊 皂角

貨類

桐油 菜油 瓜子 笋 木耳

蜂蜜

羽類

雞 鴉 鴨 鵲 鷓鴣 鷹 鴉

鵲 雉 鶉 兔 鳩 鷹

錦雞 黃鸝 畫眉 杜鵑 啄木

毛類

牛 馬 騾 豕 羊

狗 貓 虎 豹 狐 兔

麋 鹿 麂 豪猪

鱗類

鯉 金魚 五色鯽 鱖 鱔

黔西州志

卷之四

十四

介類

蟹 蚌 鼈 蝦

魚類

魚類 (此處文字模糊)

黔西州志卷之五

秩官志序 官制 職官 名官 鄉賢 土司

古稱親民之官莫如郡守誠以郡守者綱紀之原庶務之本也外是則僚佐有分理之功師儒有董訓之職秩別尊卑責無輕重黔本安氏故壤民盡苗獮明雖以酋長為同知而狡悍之性終難一馴迨自

昭代幸興建設郡守官斯土者咸稱厥職其間之政績茂著身列名官者固可彪炳千秋而循良著美後先輝映者亦紀載所不遺也若僚屬能殫心力

黔西州志 卷之五

以佐長文師儒克以聲教作興人才雖在散秩咸表章焉夫甘棠興思岷山墮淚民之好善今不殊昔茲茲郡者當覽是編而自勵作秩官志

官制

國朝

文職

知州一員

支目一員

儒學學正一員

訓導一員

武職 二國朝守備三員千總六員官把一員十員一員二員

副將一員 守備一員 千總四員 把總八員

職官 設府首任康熙三年

都司一員

守備一員

千總四員

把總八員

職官

設府首任康熙三年

黔西州志 卷之五

黔西州志 卷之五

王命來 江津人

端木象震 涇水人

原設通判

楊奇 宛平人

李化龍 鎮州人

經歷司

侯世爵 康州人

方萬傑 康州人

張鼎 康州人

司獄司

司獄司

陸履祥 年康熙四  
鄭殿枏 十康熙二  
任二

儒學教授

郭洪祚 年康熙四  
任四

黃桂 十康熙二  
任二

改州首任 十康熙二  
任二

何縉 進四士川人

黃秉中 人鎮履紅生旗

佟山年 人正監藍生旗

周泰生 歲安貢卯人

黔西州志 卷之五

穆成周 生臨縣人

董廷佐 人鎮監黃生旗

張份 監安生邑人

金獲 監全生椒人

陳惠榮 進安士州人

鮑尚忠 監大生興人

蘇松 人湖北

王夢桂 歲宛貢平人

馮光宿 貢代監州人

支目 二康熙改二十

三

李天機 六康熙二十  
任二十

鞏金甌 一康熙三十  
任三十

錢霖 三康熙三十  
任三十

毛繼韶 四康熙三十  
任三十

倪正仁 由江交南貢人

潘琦 由浙交江貢人

徐瑛 由浙交江貢人

顧光曜 由浙例江監人

梁際世 由河交南貢人

學正 三康熙改二十

黔西州志 卷之五

宋洪緒 子黎舉平人甲

王仕儀 子銅舉仁人甲

鄒廷聖 歲思貢州人

陸儒 子都舉勻人丙

胡鍾鼎 子鎮舉寧人甲

許文魁 年都舉勻人庚

陳嘉修 年都舉來人乙

梅廷樸 捐安貢順人

王萬育 年都舉定人乙

李英 年都舉安人辛

四



譚克舉 修文人 舉人 丙

郭石介 辰州人 舉人 丙

訓導 三康熙十

賀立誠 子貢 舉人 庚

越 璣 貴州人

陳以維 己卯 舉人 榜人

况親 友 貴州人

呂柄烈 捐石 貴州人

陳 旭 正安人 貢州

胡芳齡 安順人

黔西州志

卷之五

設鎮首任

李如碧 荆人

王永清 連東人 康熙

葛秉正 陝西人 康熙

參將

蔡得春 年康熙四

黨有良 遼東人

佟國棟 十康熙二

左營遊擊

武平考 年康熙四

楊大武 一康熙十

黃伯文 十康熙二

右營遊擊

楊應選 年康熙四

呂九成 十康熙二

中營守備

顧靜陞 年康熙四

熊盡孝 年康熙九

葉 威 六康熙十

左營守備

黔西州志

卷之五

楊正虎 年康熙四

洪 偉 一康熙十

李起鳳 十康熙二

右營守備

沈守才 年康熙四

張 昱 一康熙十

趙光隆 十康熙二

改協首任

謝 英

張開元

六

王鳳

梁輔唐

楊弘基

牛化麟

李根潤

劉業溥

冶大正

龔治邦

康世顯

朱世泰

黔西州志

卷之五

七

高宗景

史載賢

朱機

冷文瑞

董國德

左營遊擊雍正十年改為都司

都司

戴虎

右營遊擊雍正十年改為都司

左營守備雍正十年改為都司

右營守備

吳傑

名官

漢

濟濟火通州以帥善撫兵取武侯諸平西侯南任積糧

封羅甸國王已乃攻普里也

唐

阿佩開元年為羅甸王率土

普露昆明化來歸年其九郡入貢

宋

黔西州志

卷之五

八

普責夷一名字貢逆納土歸中順賜三西南

元

阿畫軍一名順元等處軍民宣撫使泰定間賜名

不木花兒

明

霽翠順元等處宣慰使為洪武四年與同知不

使歸附四十年部號州最

附載明天啟三年從征水西死事籍里莫考

遊都守三十五人遊義府志今止列三十五人

陳濟民 劉應龍 劉仲時 楊鯨

羅 袍五人俱參將任水西死事聞

李師沈 張 纓 宋延齡 聶應德

周國臣 陳 富 楊通增 王建中以上

遊擊

藍補袞 劉廷舉 馬 武 余報國以上

都司

王得勝 田有龍 周國用 龍國正

曹 柱 易登洲 覃事君 劉象麒

羅承富 曹思敬 張 倅 張懷邦

董兆麟 陳我謀 耿良將 覃天印

黔西州志

卷之五

九

羅承寵 黃中和以上八人守備

以上遊擊都司守備共三十員名任水西死事

聞詔本職贈二級襲陞二級

國朝

黃秉中字惟一遵東人康熙二十八年任興

鄉賢

缺

土司

水西安氏叛服本末附本氏

漢武帝定西南夷為牂牁郡漢峒箐篁中曰獠曰獠曰

獧曰獠曰獠不一其種其在黔曰苗自蜀漢濟濟火從

諸葛武侯擒孟獲有功封羅甸國王嗣後唐普露蒙化

來歸率其九郡入貢宋普貴納土賜王爵數傳至元阿

畫以軍功授昭勇大將軍佩三珠虎符順元等處宣慰

司加羅甸侯世居水西有爵土靉翠即其子也後為安

氏洪武初靉翠與宋蒙古互皆以元宣慰司獻地歸附

太祖嘉之使仍為宣慰使互後賜名欽是時已開貴州

黔西州志

卷之五

十

設貴州長官司命都指揮顧成鎮守之築城建石門五

浙立州縣矣而思南宣慰使田仁智思州宣撫使田仁

厚尤爭先納款即以其地隸湖廣管轄而以靉翠所守

威寧地隸之四川翠復諸開隴居於狹以拓己境不許

時翠與蒙古互統四十八部號最強十四年宋欽死其

妻劉賸珠襲宣慰使遣其子誠入朝賜錦綺及米三十

石鈔三百銀靉翠羨之於其再朝則遣妻奢香隨賸珠

後率土酋十五人貢方物馬匹太祖大悅賞賜文綺織

錦金環繡衣等物遂於靉翠之死者奢亦得循例赴闕

襲宣慰使乃香度事上而傲於待物既襲頗自大都督

何福討羅羅還奏香桀驚不用命當並致討不報香感上意於其年冬急遣子婦奢助率把事頭自允則隴入貢賞賚尤厚時都指揮馬暉者開普定驛傳役以官兵將盡驅諸羅為郡縣苦無其間會香為他羅所訐暉故惡香傲至是欲辱香激諸羅怒俟其反而加以兵乃驟檄香至責簿香不勝叱壯士裸香答其臂香怒甚斷所佩革帶誓必報而四十八部羅咸集香軍門憂類願掃境反香曰反非吾分且反則人得借天兵以臨我中多計矣我之殺多有在也謀之贖珠贖珠曰曷見上懇之乎曰懇則何以殺之贖珠曰夫上之所以重暉者以

黔西州志

卷之五

十一

其能開郵驛恢復邊境耳今四川道梗我能助警兵為上開思南鎮遠隴箏羊謀諸道以達邛蜀上方倚我之不暇何惜此區區啟邊釁者香曰然遠邀贖珠行而已與奢助率各部把事隨之入貢具言暉激變及諸羅欲反狀願効力開西鄙世世保境以乞除此害上驚且喜曰吾固知此如妄果然傲若言幾敗乃事乃責香開道而中暉以事殺暉香遂開偏橋東水以達烏蒙烏撒及容山草堂諸境且立龍場九驛歲歲貢馬匹廩積以通往來而西南益聞二十年香進馬二十三匹每歲定輸賦三萬石子安的襲貢馬謝恩帝曰安的居水西最為

誠恪命禮部厚賞其使二十五年的來朝賜三品服並襲衣金帶白金三百兩鈔五十錠十月香復遣子婦奢助及其部長來朝進馬六十六匹詔賜香銀四百兩綺錦鈔帶有差自是每歲貢獻不絕報賜之隆亦非他所敢望也二十九年香死朝廷遣使祭之的貢馬謝恩的死子卜葩襲葩死子中襲中老姪聚襲聚死姪隴富襲時正統七年也隴富自陳祖父以來累朝皆賜金帶臣蒙恩受賜乞如例從之是時宋誠之子斌年老以子昂代昂死然代十四年賜勅隴富母子嘉其調兵保境之功隴富頗驕天順三年東苗之亂富不時出兵聞朝廷

黔西州志

卷之五

十三

有意督之乃進馬謝罪賜勅警之富死姪觀襲觀老子貴榮襲巡撫陳儀以西堡獅子孔之平由致仕宣慰觀與子貴榮統步眾二萬攻白石崖四旬而克家自餽餉口不言功宜旌擢特給觀正三品昭勇將軍誥先是貴州兩宣慰安氏世居水西管苗民四十八族宋氏世居貴州城側管水東貴筑等十長官司皆設治所於城內銜列左右而安氏掌印非有公事不得擅還水西至是總兵官為之請許其以時巡歷所部趣辦貢賦聽暫還水西以印授宣慰宋然代理然安氏驕蹇不受節制即聽調從征非邀重賞不赴且眇視官軍嘗睥睨省城曰

是直用水西種衫疊塞耳正德中榮以從征香爐山有功加貴州布政司參政猶怏怏乃奏乞減龍場諸驛以賞其功事下兵部議時兵部主事王守仁以建言諸龍場驛驛丞榮敬禮之守仁乃貽書責榮止其事既而貴榮老請以子萬鍾襲命賜貴榮父子錦紵表裏先是宋然貪淫所管陳胡等十二馬頭苗民皆為科害致激變而貴榮欲井然地復誘之作亂於是阿朶等聚眾二萬餘署立名號攻陷寨堡襲據然所居大羊場然僅以身免責榮遠以狀上冀令已撫按之會阿朶索洩其情軍進討貴榮懼乃自率所部為助及賊平責榮已死生追

黔西州志

卷之五

十三

奪然坐斬然遂奏世受爵土負國厚恩然變起於榮而身陷重辟乞分釋因從末減依土俗納粟贖罪都御史遂請以責筑平伐七長官司地設立府縣皆以流官撫理巡撫覆奏以蠻民不願已之然宋氏亦遂衰子孫守世官衣租食稅聽征調而已時安萬鍾既繫驕縱不法甚於榮漢民張統土目烏掛等導之惡每遊獵酒酣輒射人為戲嘗捷夷民角藥抹鬼阿內抹葱四人怨之一日集督府督府未出候於外有賊刃萬鍾頭去索賊不得既而稍稍知為角藥四人四人邀時萬鍾無子其三弟萬鎰宜襲鎰以賊未獲故辭謝間統與烏掛遂保其

疏族普者冒萬鎰弟名萬鈞告襲指揮胡永遠朱蕃祖勳前後承勘受其賄匿情報鎮巡等官謂普者襲是但普者幼請暫委鍾妻奢播攝宣慰使侍普者年長而後承襲於是萬鎰悔辭謝使人說烏掛不聽大恨之乃借所親雲南女土官奢翁兵並己兵共數千人襲烏掛馬掛覺之亦募兵數千相警殺而角藥抹鬼阿內三人遁在境為亂兵所斃惟抹葱逃烏掛誣鎰殺兄鎰亦誣兄為掛所殺疏十餘上下鎮巡勘驗巡按胡瓊上狀言萬鎰宜襲但與烏掛互相誣訐宜各治罪令輸贖統坐遠戍蕃勳永遠奢翁俱遠問稟角藥等首捕抹葱而罰布

黔西州志

卷之五

十四

政司趙文奎等之納賂者鎰乃承襲收嫂奢播為妻仍雄諸蠻未幾鎰死子阿寫幼命以萬鈺襲萬鈺有助平阿向功嘉靖七年提督尚書伍文定為之請萬鈺亦自陳其功乞加參政銜賜蟒衣帝命賜以應得之服後阿寫長改名仁仁死子國亨幼夷民仍請鈺視事俟亨長承襲至嘉靖四十一年亨承襲鈺又去位於是南安智警殺之事當萬鈺之去位也有二子曰智曰信智出居織金阿魏而信留事亨亨淫虐嘗暝吳瓊吳珂而通其妻若姪絕愛幸令百姓謁瓊珂皆跪起叩頭如謁亨信諫之惡信甚既以他事罰信馬信買珂馬進亨知為珂

馬也復給珂信大怒嘗醉把劍呼卜麻必覺語曰吾欲殺吳珂如何卜麻唯唯會夷自阿戶聞之以告亨亨殺信信兄智馳告其姊夫永寧土吏奢效忠同稱兵討亨會亨與母祿氏擊烏蒙土府福榮榮本祿氏姪會與弟烏慮有隙祿氏呼烏慮來妻以所部女實佐使慮借烏撒兵同擊榮而慮以出兵時淫所部路珠妻女為路珠所殺亨並留慮妻實佐使訟榮殺慮正會勘問而葛銓妻疏窮與土同知安國考以殺信告且殺其殺四峒人及烏慮事上遣給事與鎮巡官雜治之未行亨已與智智及奢效忠戰於朵泥橋大關互相殺奪亨奪智及效

黔西州志

卷之五

十五

忠所部阿祖罵雍沙那者底者墜者頗褒遮班鳩阿宗而智及效忠亦奪亨所部勒普羊普豆得劉果底威索務驢白而水西谷里威清奢香陸廣金雞諸驛皆阻廢不通都御史阮文中御史鄭國仕等初議調諸路兵大勦亨亨自知不法頗思既而議夷俗警殺稱兵第就吏議曲直不宜煩我兵革遣宣慰宋一清約法令究殺信罪且獻諸主謀者亨大感立獻阿弟吳瓊吳彤務卒忠卒吳珂何高等而後乃對簿伏殺信狀當死於是三萬五千金自贖而以六千金贖務卒等事定亨與智俱去職令亨子安民行宣慰事智子國貞行夷目事七何

亨所部阿撒沙拱阿朋阿豆復以私憾殺智卒四人傷一十六人智復報殺仍具獄萬曆改元都御史蔡文都司高金宸麻哈守親詣木空河獄不決其明年秋都御史羅瑤下同知高任重司理常正和雜獄復不決當是時智所主謀者吳鶴駕亨所主則吳阿剌與阿箇也亨暱阿剌與阿箇甚於瓊與珂而阿剌與阿箇之妻若女其為亨所有與瓊珂等於是按察司林烜章直索阿剌阿箇與鶴駕同治罪且盡逐漢人之藏夷者而後使亨智對簿亨大懇請輸的都朵你及毛家可瓦大南王莊張三壩豆紅岩左王右王陂花蔡官梨兒蘇隴二十四

黔西州志

卷之五

十六

寨與智和解終智世而後還亨其一切所訟俱置不問僅罰亨入穀千石智三百石贖罪阿箇以下皆輕重輸贖有差亨乃益感矢報效以前前恥時賣羔堡阿占界首阿崖阿散皆強賊阻山為寇亨悉擒捕膠致凡威清平壩之間道無伏莽又水西酋長者普犯十二營擄土婦隴氏亨連以獻兵備使余一龍為之奏聞值水西有阿列之酋谷里有阿古之酋白歸之酋白縱之酋阿扯之首威清有阿捕之酋奢香有沙遮之酋阿曰之酋陸廣有阿列之酋阿慮之酋普也妻之酋金難有阿遂之酋其久充諸驛驛騎馬匹皆前後散去亨急為舉廢驛

騎盡後乃悉令夷酋辟地墾草勸農桑察贖貢者流夷  
自占而還者至一千三百一十八人於是四十八部酋  
長十二宗親一百二十麻葉永則阿體等匍匐告都御  
史王緝請復亨冠帶許之十三年播州宣慰楊應龍以  
獻大木得賜飛魚服加恩亨亦以大木進乞還給服色  
誥封如播州例既而木竟不至乃該罪於木商帝怒命  
奪所賚亨乃請補貢以明不欺帝乃如所請於是亨子  
疆臣襲時萬曆二十六年也播州楊應龍已反疆臣亦  
以戕殺安定事為有司所案科臣有言其逆節漸萌者  
詔不問許殺賊圍功疆臣奏稱播警方殷臣心未白帝

黔西州志

卷之五

七

復優詔報之巡撫郭子章許疆臣以應龍平後還播所  
侵水西烏江地六百里以酬功於是疆臣兵從沙溪入  
有蜚語水西佐賊者總督李化龍檄詰疆臣遂執賊二  
十餘人以示不背率所部奪落蒙關至大水田楚桃溪  
莊應龍伏誅先是應龍祖以為難走水西客死宣慰萬  
銓挾奏索水烟天旺地聽還葬其地遂為水西所據及  
播州平總督分其地為遵義平越二府分隸蜀黔以渭  
河中心為界而命疆臣歸播侵地代化龍者為王象乾  
主畫地而子章以為侵地始於萬銓而非疆臣安氏迫  
取於楊相衰亂之時非擅取於應龍蕩平之日且已許

其裂土今反奪其故地臣無面目以謝疆臣願乞去  
象乾疏言疆臣征播職應龍子推棟不實有功可知至  
併敗棄降送藥往來欺君助虐跡已昭然令還侵地不  
咎既往已屬國家寬大若因其挾而予之彼不為恩我  
且示弱疆臣既無功不與之地正所以成撫臣之信宜  
留撫罷臣以為重臣無能與叢爾苗噉者之戒於是  
清種之議累年不決兵部責令兩地巡按勘報而南北  
言官交章詆象乾貪功起釁科臣呂邦耀復劾子章納  
賄縱奸子章求去益力象乾遂執疆臣所遣入京行賄  
之人與金以聞於朝然議者多方疆臣尚書蕭大亨遂

黔西州志

卷之五

六

主巡按李時華疏謂征播之役水西不惟假道且以助  
兵矧失之土司得之土司播固輸糧水亦納賦不宜以  
土地之故傷字小之仁地宜歸疆臣於是疆臣增官是  
秩其母得賜祭水西尾犬之惠亦於是不可制矣三十  
六年疆臣死弟堯臣襲四十一年烏撒土舍謀逐安  
良堯臣以追印為名領兵數萬長驅入滇直薄霑益州  
所過焚掠備極慘毒朝廷方以越境擡兵欲加堯臣罪  
而堯臣死遺子位幼命其妻奢社輝攝事輝永寧宣撫  
奢崇明女弟崇明子寅曠悍與輝爭地仇恨相持而安  
邦考者位之叔父也素懷異志與崇明合及是因崇明

反調兵水西邦考遂挾位叛以應之位幼弱不能制邦  
考遂招故宣慰土舍宋萬化為助率兵陷龍里圍貴陽  
自稱羅甸王時天啟元年二月也至崇禎二年邦考始  
伏誅事詳師旅考總督朱燮元騰檄安位許其來歸位  
惶恐不敢出燮元督諸將屯聚要害四面迭攻凡百日  
得首萬級生口數萬每獲鄉導輒發窖粟就食賊饑甚  
遂降乃與約四事一敗爵一削水外六目之地一獻傷  
王巡撫者首一開畢節等驛路位俯首聽命而前助逆  
故宣慰宋萬化之子嗣殷至是亦勦滅乃以宋氏洪邊  
十二馬頭地置開州以安氏水外六目之地置敷勇鎮

黔西州志

卷之五

十九

西二衛修文等八所皆建城設官焉至十年安位死無  
子土目化沙阿烏密等爭襲各以其地來獻朝議欲乘  
其敝郡縣之乃命朱燮元禁大方水西比喇三城谷堡  
歸化二堡以副將方國安鎮守之未幾化沙阿烏密復  
叛圍大方國安誘斬化沙潰圍出城堡盡陷乃以安氏  
族人安承宗襲宣慰使承宗死于安坤襲  
國朝順治十五年經畧洪承疇率師平滇黔二月至沅  
州時偽將軍艾能奇劉文秀等據守中路師不得進承  
疇乃遣使招坤許以如阿畫霸翠故事坤大喜隨遣漢  
把曾經熊秀聖二人繳印投誠二人即引大兵由西路

小徑而進勢如破竹四月入貴陽十月進師取雲南滇  
黔底定故坤功准其世襲賜袍帽靴服彩幣二十疋  
十七年叛賊呂弘易竄匿水西隴羊自稱興國公謀取  
貴陽坤密報擒之坤後與皮熊合謀藏匿亡命勾連黨  
羽造軍器演士卒蠢蠢思動而土目察革喇慕魁周室  
把總高撥復朋和之踪迹頗露巡道劉芳聲總鎮劉之  
復乃令朱世爵往水西偵之得實以報總督楊茂勳曰  
水西地方沃野千里地廣兵強在滇為咽喉於蜀為戶  
牖若黔則腹心之蠱毒也失今不討譬之養癰為害必  
大乃合疏請勦康熙三年正月坤遂與鹽倉土知府安

黔西州志

卷之五

二十

重聖同反

上命吳三桂督雲貴各鎮兵分東西兩路致討九月擒  
坤於大方之杓箬十月擒皮熊於烏撒熊不食死坤與  
重聖皆伏誅事詳師旅考以其地設四府水西為黔西  
府比喇為平遠府大方為大定府烏撒為威寧府安氏  
自濟火據水西之地歷千四百餘年至坤而七十二  
月坤親黨郎岱土司隴安藩水西頭目隴勝及安重聖之  
妻隴氏復反遣兵討平之



武備志序 兵制 郵旅考

禹貢三百里揆文教二百里奮武衛武備所關千古為昭矣故兵可百年不用不可一日不備况黔西素號鬼國背負山箐三面距水苗蠻頑梗伏莽易生防衛之道尤當急講自昔殷宗之伐三年乃克武侯之征七擒始定有明王三善以六萬眾盡沒內莊歷代之得失可考矣我朝文謨武烈超軼前代旌麾所指無不風行電掃故以水西荒服咸歸版宇乃猶安營置汛以樹藩籬

黔西州志 卷之六

關防鎮密觀潛消金湯之固永若苞桑矣作武備志

兵制

康熙三年平定水西設總兵官一員 中營參將一員 左右營遊擊二員 守備三員 千總六員 把總十二員 二十三年為裁兵之成議已久 等事案內改總兵為副將裁參將一員遊擊一員 守備一員千總二員把總四員

雍正十年為請定武職陞選之法等事改遊擊二員為都司二員 十二年為營制宜歸畫一等事裁

都司守備各一員今現存

副將一員

都司一員

守備一員

千總四員 三分防

把總八員 五分防

制兵一千二百名內馬戰兵一百二十名步戰兵四百八十名守兵六百名原設兵二千二百二十名

康熙二十三年裁兵四百二十名 二十四年

又裁兵六百名 三十八年撥往東川兵一百名

黔西州志 卷之六

乾隆二年添兵一百名今復議裁

西溪汛在城西四十里

千總一員 兵一百名分防

西溪塘

松樹溝塘

楊家海塘

新鋪塘

以那壩塘

橋頭塘

大樹坪塘

白泥田塘

木渣黑塘

阿凹水塘

以上十塘共安設馬步兵丁二十六名存汛兵

丁七十四名

鎮西汛在城東南九十里

千總一員 兵七十八名分防

鎮西塘

王家莊塘

歹蘇田塘

黔西州志

卷之六

擺墮塘

乾溝塘

白蠟溝塘

高山堡塘

花椒堡塘

龍潭塘

以上九塘共安設馬步兵丁三十六名存汛兵

丁四十四名

沙土汛在城北一百九十里

千總一員 兵一百二十名分防

大寨塘

箐口塘

木廠塘

楊家關塘

了溪定塘

龍爪崗塘

苦茶園塘

老木孔塘

官村塘

抵水塘

黔西州志

卷之六

下關塘

龍潭塘

蔡家車塘

蓑衣寨塘

以上十四塘共安設馬步兵丁四十二名存汛

兵丁七十八名

六廣汛在城東七十里

把總一員 兵五十名分防

五顯臺塘

白花箐塘

一碗水塘

五里壩塘

谷里塘

楊柳塘

官莊塘

小箐塘

小橋塘

坡背塘

以上十塘共安設馬步兵丁二十名存汛兵丁

三十名

黔西州志

卷之六

五

黃沙渡汛在城東北一百一十里

把總一員 兵五十六名分防

黃沙渡塘

以濟河塘

龍井塘

濫泥溝塘

牛場坡塘

渭河塘

中伙鋪塘

排樓山塘

王家苑塘

以上九塘共安設步塘兵丁一十八名存汛兵

丁三十八名

鴨池汛在城東南五十里

把總一員 兵五十五名分防

鴨池河塘

濫泥溝塘

四方井塘

控桐樹塘

打鼓寨塘

黔西州志

卷之六

六

隴箕塘

白射塘

濯革河塘

以上八塘共安設馬步兵丁二十七名存汛兵

丁二十九名

沙溪汛在城北一百二十里

把總一員 兵七十二名分防

沙溪塘

楊柳塘

上烏慶塘

下烏慶塘

馬廠塘

苦茶園塘

三重堰塘

革攢溪塘

天生橋塘

黃幸樹塘

風岩塘

鍋耙底塘

木那落塘

黔西州志

卷之六

七

霸郎關塘

以上十四塘共安設步塘兵丁四十二名存汛

兵丁三十名

石革關汛在城西北一百九十里

把總一員 兵一百名分防

路宰樓塘

馬雄山塘

清水塘

舊衙門塘

住中塘

魚塘河上渡塘

魚塘河下渡塘

卧泥河塘

岩上塘

岩下塘

以上十塘共安設馬步兵丁三十名存汛兵丁

七十名

存駐州城副將一員都司一員守備一員千總一員

把總三員兵五百六十九名

乾隆六年為遵

黔西州志

卷之六

八

首密議事案內裁汰兵丁一百名 實存兩營馬步兵

丁一千一百名

師旅考

蜀漢建興三年丞相諸葛亮南征以牂牁蠻長濟濟火為先鋒所至皆捷

宋寶祐四年五月羅氏鬼國遣報思播言元兵屯大理國取道西南將大入邊詔思播結約羅鬼為援

元至元十七年三月己未詔討羅氏鬼國命以蒙古軍六千合刺章軍二萬西川藥刺海萬家奴軍萬人三道並進六月壬申遣官告蠻部安撫使王阿濟同萬戶答坤詔諭羅氏鬼國

秋七月括蒙古軍成丁者勅亦來等率萬人入羅氏

黔西州志

鬼國如其不附則討之

九月羅氏鬼國王阿察及阿里降安西王相李德輝遣人偕入覲

十二月己卯羅氏鬼國土寇為志思播道路不通發兵千人與洞蠻開道

明宣德二年水西宣慰頭目阿閉妨宜與普定衛西

作長官蠻民阿骨阿哈共為亂貴州總兵官蕭授

上書請討上不許勅遣官撫諭已而授奏阿閉妨

宜為傍寨所殺惟阿骨尚獨據請調兵討未幾平

天啟元年二月宣慰司同知安邦彥詣巡撫李棟請

黔西州志

卷之六

九

討奢崇明自劾不許安邦彥者宣慰使安堯臣族

子堯臣死子位幼其母奢社輝崇明女弟代領其

眾邦彥遂專兵權會朝議征西南兵援遼邦彥素

黠桀欲乘以起事詣樞請行樞諭止之歸益為反

謀檮累疏請增兵益餉朝中方急遼事置之不問

會樞被劾六疏乞休十月始得請以王三善代而

崇明已陷重慶遵義貴陽大震檮遂留視事時城

中兵不及三千倉庫虛竭檮與巡按御史史永安

貸雲南湖廣銀四萬有奇募兵四千儲米二萬石

為戰守具而急遣總兵官張彥方都司許成名黃

黔西州志

卷之六

十

運清監軍副使朱芹提學僉事劉錫鉉等援四川

戰屢捷逆復遵義涪陽湄潭正安桐梓諸州縣

二年二月安邦彥叛圍貴陽城或傳奢崇明已陷成

都邦彥遂挾安位反自稱羅甸王四十八支及他

部頭目安邦俊陳其愚等盡起相應烏撒土目安

效良亦與通邦彥遂襲畢節都司楊明廷固守擊

斬數百人效良助邦彥陷其城將士三千人俱沒

賊遂分兵陷安順平壩效良亦西陷霑益而邦彥

自統水西軍及羅鬼苗仲數萬東渡六廣河直趨貴陽別遣王倫等下壘安襲備橋以斷援兵洪邊

土司宋萬化糾苗仲九股陷龍里李樓史永安聞  
變急議城守會藩臬守令咸入觀而彥方鎮銅仁  
運清駐遵義城中文武無幾人乃分兵為五令提  
學僉事劉錫鉉及參議邵應禎都司劉嘉言副總  
兵劉岳分兵禦四門樓自當北門之衝永安居樞  
樓圍街市兵防內變學官及諸生亦督民兵分堞  
守禦賊至盡銳攻北門樓迎戰敗之轉攻東門為  
錫鉉所却持數日賊多死乃日夕分番馳突以疲  
官兵城中出精卒突賊賊驚却乃為三文樓臨城  
用婦人雜犬厭勝術樓永安烹蔬雜斗米飯投餉

黔西州志

卷之六

十一

雞犬而張虎豹皮於城樓以被之乃得施砲石夜  
繼死士燒其樓賊盡死賊又作竹籠萬餘壘土之  
高處以便睥睨樓永安急撤大寺鐘樓建城上賊  
棄籠去官軍出境之數出城邀賊糧賊怒盡發城  
外冢通燒村寨又先後攻陷廣順州普定威清普  
安安南諸衛貴陽西數千里盡為賊有初被圍彥  
方運清來救敗賊於新添賊誘入龍里二將皆敗  
賊縱之入城曰使耗女糧城中果大困川廣總督  
張我績巡撫王三善擁兵不進樓永安連疏告急  
我績等卒不進會彥方等出戰頻得利賊退保完

漢樓永安又遣裨將商士傑等共九千人分控威  
清新添二衛且乞援兵賊謂城必拔沿山為營棚  
隔內外旬日始一攻輒敗去副總兵徐時逢參將  
萬仲仁來援遇賊暨城河食盡仲仁兵先逃賊乘  
虛擊之軍盡潰諸將馬一龍白自強等職焉援遂  
絕賊聞三善將進兵益日夜攻架木高坡以瞰南  
城樓永安募死士燔之火五日夜賊盡攻擊之術  
已登陴天將曙忽自退明日梯而登守城者止餓  
卒六人荷戈強起賊繞殺一人倏驚退墜梯死者  
無算賊大駭疑城中尚有精兵數萬云

黔西州志

卷之六

十二

十二月王三善大破賊於龍里貴陽圍解自李樓史  
永安連疏告急趣三善赴援三善始駐沅州調集  
兵食已次鎮遠再次平越遣知府朱家民乞兵四  
川兵未至不敢進疏請便宜從事給空名部劄得  
隨材授任帝恣肯之至十二月朔知貴陽圍益困  
三善急召諸將曰事迫矣前則以戰死後則以法  
死夫死法與死戰孰優尚何待也乃分兵為三副  
使何天麟等從清水江進為右部僉事楊世賞等  
從都勻進為左部自將二萬人與參議向日升副  
總兵劉超參將楊明楷劉志敏孫元謨王建中都

司陳嘉謨等由中路當賊鋒一日抵新添又一日進毋猪洞又一日次新安是夜報賊至合營驚擾議退兵三善手劍疾呼曰退即死此既而覘無賊乃命劉超為前部超三善同里人有智善疾行抵龍頭營三善身尾之相去不二里聞砲聲眾驚不欲前三善督之既而劉超捷音至初超兵遇賊兵超下馬斬却者二人而自揮刀斷賊探時賊首阿成驍甚超與步兵張良俊直前斬其首賊披靡會大兵至齊進奪龍里賊後大集乃大戰却之遂據龍里城眾議休息三善曰我兵猝至賊無備此可

黔西州志

卷之六

三

以破竹而顧却之何也遠策馬前進眾隨之自平越至此幾六日抵城下而邦彥已遁遂乘勝窮追至畢節鋪賊步騎如雲皆自相蹂踐而追騎如牆並進斬獲無算安邦俊戰死輜重山積時城守十月旦夕將陷忽賊兵奔潰如蟻喊聲雷震俄頃五騎衝鋒至城下曰新撫至矣軍民大悅慶更生樓等迎入城三善不許曰賊兵不遠軍心猶未定也我不可即安遂營於南門外坡上大雪次日移營定溪賊遠遁六廣河外居數日左右二部及湖廣廣西四川援兵先後至三善以二萬人破賊十萬

有輕敵心且憂乏食欲因糧於敵舉超為總兵官令渡六廣趙大方搗安邦彥以世賞監之令總兵官張彥方渡鴨池搗安邦彥以天麟監之漢土兵各三萬別將都司練補袞出黃沙渡剋期並進超等至六廣連戰皆捷彥方部將秦民屏破賊五大寨諸將益輕敵

三年正月劉超渡六廣河賊薄之獨山土官蒙詔先道賊乘之官軍大敗超走免先鋒楊明楷被執諸將姚旺等三十六人死賊焉賊遂攻破鴨池中軍部將辜弘化先逃諸營盡潰彥方保威清惟補袞

黔西州志

卷之六

五

軍獨全諸苗見王師失利復嚮起土酋何中尉進據龍里而邦彥使李阿二圍青巖斷定番餉道令宋萬化吳楚漢為左右翼自將超責陽遠近大震三善急遣遊擊祁繼祖等取龍里王建中劉志敏救青巖繼祖燔上中下三牌及賊百五十寨建中亦燔賊四十八莊龍里定番路皆通又夜遣建中繼祖搗楚漢八姑湯燔莊寨二百餘薄而攻之賊溺死無算萬化不知楚漢敗詐降三善佯許而令諸將捲甲趨之萬化倉皇出戰被擒邦彥為奪氣羣苗復效順三善給以黃幟俾樹營中邦彥望見

不敢出增兵守鴨池六廣諸要害是時川撫朱燾元屢破奢崇明兵崇明窮蹙投邦彥西川總理魯欽馳赴貴陽剿擒何中尉彥方亦追賊鴨池而賊復乘間陷普安時代總督張我績者為楊述中駐沅州畏賊朝命屢趨始移鎮遠三善議會師進討述中暨諸將多持不可三善排羣議以進十月十一日自將六萬人渡烏江次黑石連敗賊斬前逃將軍弘化以拘賊乃柵漆山日道遊騎掠樵採者官軍食漸乏諸將議退師三善怒曰汝曹欲退不如斬吾首以降賊諸軍迺不敢言三善募壯士逼

黔西州志

卷之六

五

漆山緋衣戎冠肩輿張蓋自督陣語將士曰戰不捷此即吾致身處也旁一山頗峻揮左軍據其巔賊倉皇拔柵爭山將士殊死戰賊大敗邦彥狼狽走三善渡渭河降者相繼師抵大方入居安位第位偕母奢社輝走火灼堡邦彥竄織金先所陷將楊明楷乃得還位寔遣使詣述中請降述中令縛崇明父子自贖三善並責獻邦彥往返之間賊得為計三善以賊方平議郡縣其地諸苗及土目咸惴恐益合於邦彥三善先約四川總兵官李維新滅賊以餉之辭三善屯大方久食盡述中不為援

不得已議退師

四年正月王師敗於內莊巡撫王三善死之三善以糧盡焚大方廬舍而東賊躡之中軍參將王建中副總兵秦民屏戰歿官軍行且戰至內莊後軍為賊所斷三善還救士卒多奔陳其愚者賊腹心先詐降三善信之與籌兵事故軍中虛實賊無不知及隨三善行遇賊其愚衝三善墜馬三善知有變急解印綬付家人拔刀自刎不殊羣賊擁之去罵不屈遂遇害同知梁師泰主事田景猷等四十餘人皆死賊拘監軍副使岳其仰以邀撫其仰馳蠟

黔西州志

卷之六

六

書於外被殺事聞總督楊述中回籍聽勅四月起傅宗龍巡按貴州命右副都御史蔡復一代楊述中總督貴州雲南湖廣軍務兼巡撫貴州賜上方劍便宜從事時喪亡之餘兵食盡絀斗米銀八錢復一勞徕拊循人心乃定召集將吏申嚴紀律遣總理魯欽等救凱里斬賊五百餘都勻凱里土司者運道咽喉也邦彥結諸蠻因其城長官楊世爵不能守復一遣魯欽及劉超救之拔賊巖頭寨遂移師克平茶已而邦彥盡驅羅鬼結四十營於班鳩灣結寨二十餘里分犯普定復一令魯欽